



CONGREGATIO PRO DOCTRINA FIDEI
(Dimissio e statu clericali ac dispensatio ab oneribus)

Prot. N. 216/2021

GIBUTEN.
(v.d. Djibouti, Rép. de Djibouti)

D.nus **Jean-Jacques MERCIER**, Presbyter huius Diocesis, excommunicatus

Summus Pontifex FRANCISCUS, Papa

Die 17 Martii a. 2022

habita relatione de casu ab Emm.mo Præfecto Congregationis pro Doctrina Fidei circa graves agendi rationes supradicti presbyteri, qui delictum schismatis patravit necnon contumax evadit, præmissis præmittendis, suprema atque inappellabili decisione nullique recursui obnoxia,

DECREVIT

**dimissionem e statu clericali ex officio et pro bono Ecclesiæ,
dicto presbytero irrogandam esse.**

Eidem presbytero etiam dispensationem concedit ab omnibus oneribus sacræ Ordinationi conexas, incluso sacro coelibatu, iuxta sequentes rationes:

1. Dimissio ac dispensatio vim habent ab ipso momento decisionis Romani Pontificis.
2. Dimissionis ac dispensationis Decretum presbytero a competenti Ordinario loci notificetur, cui numquam fas est duo illa elementa seiungere. Censura propter contumaciam in schismate ab Ordinario ad normam iuris declaratam, si casus ferat, remitti oportet.
3. Notitia dimissionis ac dispensationis adnotetur in Libris baptizatorum parœciæ prædicti presbyteri.

Contumacia rei purificata et remissione censuræ obtenta, sequentes aliæ rationes etiam considerentur:

4. Quod attinet si casus ferat, ad celebrationem canonici matrimonii, applicandæ sunt normæ quæ in Codice Iuris Canonici statuuntur. Ordinarius vero curet ut res caute peragantur sine exteriori apparatu.
5. Auctoritas ecclesiastica, cui spectat Decretum præfato presbytero notificare, hunc enixe hortetur, ut vitam Populi Dei, ratione congruendi cum nova eius vivendi condicione, participet, ædificationem præstet et ita probum Ecclesiæ filium se exhibeat. Simul autem eidem notum faciat ea quæ sequuntur:

a) presbyter dimissus eo ipso amittit iura statui clericali propria, dignitates et officia ecclesiastica; ceteris obligationibus cum statu clericali conexas non amplius

adstringitur;

b) exclusus manet ab exercitio sacri ministerii, iis exceptis de quibus in can. 976 et 986 §2 CIC ac propterea nequit homiliam habere, nec potest officium gerere directivum in ambitu pastorali neve munere administratoris parœcialis fungi;

c) item nullum munus absolvere potest in Seminariis et in Institutis æquiparatis. In aliis Institutis studiorum gradus superioris, quæ quocumque modo dependent ab Auctoritate ecclesiastica, munere directivo vel officio docendi fungi nequit;

d) in aliis vero Institutis studiorum gradus superioris ab Auctoritate ecclesiastica non dependentibus nullam theologicam disciplinam tradere potest;

e) in Institutis autem studiorum gradus inferioris dependentibus ab Auctoritate ecclesiastica, munere directivo vel officio docendi fungi nequit. Eadem lege tenetur presbyter dimissus ac dispensatus in tradenda Religione in Institutis eiusdem generis non dependentibus ab Auctoritate ecclesiastica.

6. Ordinarius curet, quantum fieri potest, ne novum condicio presbyteri dispensati fidelibus scandalum præbeat. Attamen, si adest periculum damni vel fraudis Ecclesiæ, Ordinarius factum dispensationis necnon causam canonicam divulgat.

7. Notificatio dimissionis et dispensationis fieri potest vel personaliter per notarium aut ecclesiasticum actuarium vel per "epistulas perscriptas" (*lettre recommandée*). Presbyter dimissus unum exemplar restituere debet rite subsignatum ad fidem receptionis et acceptionis eiusdem dimissionis ac dispensationis ac simul etiam præceptorum, quod si non faciat integer manet effectus huius Decreti.

8. Tempore autem opportuno, Ordinarius competens breviter ad Congregationem de peracta notificatione referat, et si qua tandem fidelium admiratio adsit, prudenti explicatione provideat.

Contrariis quibuscumque minime obstantibus.

Ex Ædibus Congregationis, die 17 m. Martii a. 2022.

+ J. Augustinus

✠ **J. Augustinus DI NOIA, O.P.**
Archiepiscopus Tit. Oregonopolitan.
Secretarius Adjunctus

Matthaeus Visioli

Matthaeus VISIOLI
Sub-Secretarius

Dies notificationis 9 novembre 2022

[Signature]
Subsignatio Presbyteri in signum acceptionis

[Signature]
Subsignatio Ordinarii

